



**PARLAMENTARNA SKUPŠTINA
BOSNE I HERCEGOVINE**

421

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na 29. sjednici Predstavničkog doma, održanoj 7. juna 2022. godine, i na 23. sjednici Doma naroda, održanoj 15. juna 2022. godine, usvojila je

ZAKON

**O ZAŠTITI PRAVA NA SUĐENJE U RAZUMNOM ROKU
PRED SUDOM BOSNE I HERCEGOVINE**

DIO PRVI – OPĆE ODREDBE

Član 1.

(Predmet Zakona)

Ovim zakonom propisuju se način, uslovi i postupak zaštite prava na suđenje u razumnom roku u sudskim postupcima koji se vode pred Sudom Bosne i Hercegovine (u daljnjem tekstu: Sud), kao i pravo na pravično zadovoljenje zbog povrede prava na suđenje u razumnom roku, koje se ostvaruje u sudskom postupku na način i pod uslovima propisanim ovim zakonom.

Član 2.

(Pravo na zaštitu)

- (1) Zaštitu prava na suđenje u razumnom roku pred Sudom imaju stranka i umješać u parničnom i izvršnom postupku, stranka i zainteresirano lice u upravnom sporu, optuženi, oštećeni i lice od koga je oduzeta imovinska korist u krivičnom postupku, te svaka druga stranka u sudskom postupku koji se vodi po zakonu Bosne i Hercegovine, koja smatra da Sud nije u razumnom roku odlučio o njenom pravu ili o obavezi ili o optužbi za krivično djelo.
- (2) Dužina trajanja razumnog roka utvrđuje se u skladu s praksom Evropskog suda za ljudska prava u Strazburu.
- (3) Stranka ostvaruje zaštitu prava iz stava (1) ovog člana, u skladu s odredbama ovog zakona.

Član 3.

(Primjena drugih propisa)

Na ostala pitanja postupka po tužbi za pravično zadovoljenje zbog povrede prava na suđenje u razumnom roku, a koja nisu uređena ovim zakonom, primjenjuju se odredbe Zakona o parničnom postupku pred Sudom Bosne i Hercegovine ("Službeni glasnik BiH", br. 36/04, 84/07, 58/13 i 94/16) o sporu male vrijednosti, nezavisno od vrste i visine tužbenog zahtjeva.

Član 4.

(Rodna ravnopravnost)

Izrazi koji su u ovom zakonu radi preglednosti dati u jednom gramatičkom rodu bez diskriminacije se odnose i na muškarce i na žene.

**DIO DRUGI – PRINCIPI, PRAVNA SREDSTVA I
ZAHTJEV ZA ZAŠTITU PRAVA NA SUĐENJE U
RAZUMNOM ROKU**

Član 5.

(Principi)

- (1) Zaštita prava na suđenje u razumnom roku zasniva se na:
 - a) ubrzanju postupka kod kojeg postoji rizik od prekomjernog trajanja,
 - b) djelotvornom pravnom lijeku pred nadležnim domaćim organima u slučajevima u kojima je moguće dokazati tvrdnje o povredi prava na suđenje u razumnom roku,
 - c) dostupnosti pravnih lijekova u svim fazama postupka u kojima se utvrđuju građanska prava i obaveze ili osnovanost bilo kakve krivične optužbe,
 - d) utvrđivanju kršenja prava na suđenje u razumnom roku i obeštećenju oštećenog zbog povrede prava.
- (2) Postupci u kojima se štiti pravo na suđenje u razumnom roku su hitni i imaju prvenstvo u odlučivanju.

Član 6.

(Pravna sredstva)

Pravna sredstva za zaštitu prava na suđenje u razumnom roku su:

- a) zahtjev za zaštitu prava na suđenje u razumnom roku (u daljnjem tekstu: zahtjev),
- b) tužba za pravično zadovoljenje zbog povrede prava na suđenje u razumnom roku (u daljnjem tekstu: tužba).

Član 7.

(Kriteriji za ocjenu trajanja suđenja u razumnom roku)

Prilikom odlučivanja o zahtjevu za zaštitu prava na suđenje u razumnom roku uvažavaju se sve okolnosti predmeta, i to:

- a) složenost predmeta u činjeničnom i pravnom smislu,
- b) ponašanje Suda i drugih organa,
- c) dužina trajanja postupka,
- d) ponašanje podnosioca pravnog sredstva,
- e) značaj predmeta koji ima za podnosioca pravnog sredstva,
- f) nepredviđene vanredne okolnosti.

Član 8.

(Registar)

- (1) Sud vodi:
 - a) Registar podnesenih zahtjeva za zaštitu prava na suđenje u razumnom roku i Registar odluka o podnesenim zahtjevima za zaštitu tog prava,
 - b) Registar podnesenih tužbi i Registar odluka o podnesenim tužbama.
- (2) Sadržaj i način vođenja registara iz stava (1) ovog člana detaljnije će biti uređeni pravilnikom koji u roku od 60 dana od dana stupanja na snagu ovog zakona donosi predsjednik Suda.
- (3) Godišnji izvještaj s podacima iz registra predsjednik Suda dostavlja Visokom sudskom i tužilačkom vijeću Bosne i Hercegovine.

Član 9.

(Zahtjev i sadržaj zahtjeva)

- (1) Postupak u kome se štiti pravo na suđenje u razumnom roku počinje podnošenjem zahtjeva.
- (2) Zahtjev treba da sadrži:
 - a) lično ili poslovno ime stranke i njeno prebivalište, boravište ili sjedište,
 - b) lično ili poslovno ime zastupnika ili punomoćnika stranke i njegovo prebivalište, boravište ili sjedište,
 - c) poslovni broj sudskog predmeta ili druge podatke o predmetu na osnovu kojih se može utvrditi na koji predmet se zahtjev odnosi,
 - d) vrijeme trajanja postupka,
 - e) podatke o predmetu suđenja koji ukazuju na to da Sud nepotrebno kasni s odlučivanjem,
 - f) vlastoručni potpis stranke ili zastupnika ili punomoćnika stranke.

Član 10.

(Nadležnost za odlučivanje)

- (1) Zahtjev za zaštitu prava na suđenje u razumnom roku podnosi se Sudu.
- (2) Zahtjev se može podnijeti dok se postupak iz člana 1. ovog zakona ne okonča.
- (3) O zahtjevu iz stava (1) ovog člana rješenjem odlučuje predsjednik Suda, a ako je riječ o predmetu u kojem postupka predsjednik Suda, o zahtjevu odlučuje sudija koji rukovodi Upravnim odjeljenjem Suda.
- (4) Predsjednik Suda može odrediti sudiju koji će pored njega voditi postupak i odlučivati o zahtjevu.
- (5) Usmena rasprava se ne održava.

(6) Rješenje o zahtjevu ne smije da utiče na činjenična i pravna pitanja koja su predmet suđenja.

(7) Rješenje kojim se usvaja ili odbija zahtjev mora biti obrazloženo.

(8) Rješenje o zahtjevu mora se donijeti u roku od 60 dana od dana prijema zahtjeva.

Član 11.

(Odlučivanje o zahtjevu bez ispitnog postupka)

- (1) Zahtjev se odbacuje bez ispitnog postupka ako odsustvo nekog elementa zahtjeva iz člana 9. ovog zakona onemogućava da se po njemu postupi ili ako je zahtjev podnijelo neovlašteno lice.
- (2) Protiv rješenja o odbacivanju zahtjeva nije dozvoljena žalba.

Član 12.

(Ispitni postupak)

- (1) Predsjednik Suda, u roku od 15 dana od dana prijema zahtjeva, zatražit će od sudije ili predsjednika vijeća, koji postupuje u predmetu, izvještaj o dužini trajanja postupka, razlozima zbog kojih postupak nije okončan i mišljenje o roku u kojem se predmet može riješiti, a može ostvariti i uvid u spis predmeta.
- (2) Sudija, odnosno predsjednik vijeća koji postupuje u predmetu, izvještaj dostavlja najkasnije u roku od osam dana od dana prijema zahtjeva.
- (3) Sudija, odnosno predsjednik vijeća koji postupuje u predmetu u izvještaju neće navoditi podatke čije bi otkrivanje moglo imati štetne posljedice za uspješno vođenje postupka.

Član 13.

(Neosnovanost zahtjeva)

- (1) Predsjednik Suda rješenjem odbija zahtjev kada ocijeni da je zahtjev očigledno neosnovan.
- (2) Ako predsjednik Suda nakon provedenog postupka po zahtjevu utvrdi da nije došlo do neopravdanog odugovlačenja postupka i odlučivanja u predmetu, rješenjem odbija zahtjev kao neosnovan.

Član 14.

(Osnovanost zahtjeva)

- (1) Ako predsjednik Suda utvrdi da se neopravdano odugovlači postupak i odlučivanje o predmetu, donosi rješenje i određuje rok za preduzimanje određenih procesnih radnji, koji ne može biti kraći od 15 dana niti duži od četiri mjeseca i primjeren rok u kome ga sudija ili predsjednik vijeća izvještava o preduzetim radnjama.
- (2) Rješenje iz stava (1) ovog člana predsjednik Suda dostavlja stranci i postupajućem sudiji.
- (3) Protiv rješenja iz stava (2) ovog člana žalba nije dozvoljena.
- (4) Rješenje iz stava (2) ovog člana predsjednik Suda dostavlja i Visokom sudskom i tužilačkom vijeću Bosne i Hercegovine.
- (5) U izvještaju o preduzetim radnjama sudije, odnosno predsjednika vijeća koji postupuje u predmetu, neće se navoditi podaci čije bi otkrivanje moglo imati štetne posljedice za uspješno vođenje postupka.

Član 15.

(Obavještanje podnosioca zahtjeva)

Kada sudija, odnosno predsjednik vijeća, u izvještaju ili drugim pismenim aktom obavijesti predsjednika Suda o izvršenim procesnim radnjama, predsjednik Suda će o izvršenim radnjama obavijestiti podnosioca zahtjeva.

Član 16.

(Žalba)

- (1) Stranka ima pravo na žalbu ako:
 - a) predsjednik Suda utvrdi da je zahtjev neosnovan i odbije ga rješenjem,

- b) predsjednik Suda o njenom zahtjevu ne odluči u roku od 60 dana od dana prijema zahtjeva,
 c) je predsjednik Suda usvojio zahtjev, ali nije naložio mjere koje ubrzavaju postupak i utvrdio rok u kome je sudija ili predsjednik vijeća dužan da ih preduzme.
- (2) Rok za žalbu iz ovog člana je osam dana od dana prijema rješenja.

Član 17.

(Nadležnost za odlučivanje o žalbi)

- (1) Žalba se podnosi predsjedniku Suda.
 (2) Predsjednik Suda dostavlja Apelacionom odjeljenju Suda žalbu s relevantnim podacima iz spisa predmeta u roku od tri dana od dana prijema.
 (3) Postupak po žalbi vodi i odlučuje vijeće sastavljeno od troje sudija odjela koji odlučuje po pravnim lijekovima na odluke odjeljenja kod koga se predmet nalazi u radu.
 (4) Ako se žalba odnosi na postupak koji je u toku pred Apelacionim odjeljenjem, o žalbi odlučuje vijeće od pet sudija tog odjeljenja.

Član 18.

(Odlučivanje o žalbi)

- (1) Vijeće iz člana 17. st. (3) i (4) ovog zakona rješenjem odbacuje nedopuštenu, neblagovremenu žalbu i žalbu izjavljenu od neovlaštenog lica, ako je nije odbacio predsjednik Suda.
 (2) Žalba se ne dostavlja na odgovor, usmena rasprava se ne održava, a na ostala pitanja primjenjuje se Zakon o parničnom postupku pred Sudom Bosne i Hercegovine.
 (3) Vijeće je dužno odlučiti o žalbi u roku od 30 dana od dana prijema žalbe.
 (4) Vijeće može žalbu odbiti kao neosnovanu i potvrditi prvostepeno rješenje ili uvažiti žalbu i preinačiti rješenje.
 (5) U postupku po žalbi može se, u zavisnosti od okolnosti, a posebno ako je postupak hitan, odrediti prvenstvo u odlučivanju po predmetu, zatim naložiti predsjedniku Suda da dodijeli predmet drugom sudiji, odnosno vijeću, ako je pravo stranke povrijeđeno zbog preopterećenosti ili dužeg odsustva postupajućeg sudije ili nekog od članova vijeća.
 (6) Ako je žalba podnesena zato što predsjednik Suda nije odlučio o zahtjevu, u žalbenom postupku se postupa i donosi rješenje u skladu s odredbama čl. 11, 12, 13, 14. i 15. ovog zakona.
 (7) Protiv rješenja kojim je odlučeno o žalbi nije dozvoljena žalba.

Član 19.

(Pravo na novi zahtjev)

- (1) Podnosilac zahtjeva čiji je zahtjev odbijen, a koji nije podnio žalbu, može podnijeti novi zahtjev kada istekne šest mjeseci od dana prijema rješenja o odbijanju zahtjeva.
 (2) Podnosilac zahtjeva čiji je zahtjev odbijen, a koji je podnio žalbu koja je odbijena, može podnijeti novi zahtjev kada istekne šest mjeseci od dana prijema rješenja o odbijanju žalbe.
 (3) Podnosilac zahtjeva čiji su zahtjev ili žalba odbačeni može odmah po saznanju podnijeti novi zahtjev.

DIO TREĆI - TUŽBA NA PRAVIČNO ZADOVOLJENJE ZBOG POVREDE PRAVA NA SUĐENJE U RAZUMNOM ROKU

Član 20.

(Novčana naknada)

- (1) Zbog nematerijalne štete prouzrokovane kršenjem prava na suđenje u razumnom roku stranci se isplaćuje novčana naknada.

- (2) Novčana naknada priznaje se u visini od 500 KM do 3.000 KM.
 (3) Prilikom određivanja visine naknade uzimaju se u obzir kriteriji iz člana 7. ovog zakona.

Član 21.

(Sticanje prava za ostvarivanje naknade)

- (1) Ako Sud ne riješi predmet u roku predviđenom u rješenju o usvajanju zahtjeva ili o usvajanju žalbe, stranka ima pravo podnijeti Sudu tužbu za pravično zadovoljenje zbog povrede prava na suđenje u razumnom roku.
 (2) Prije podnošenja tužbe stranka je dužna da se zahtjevom obrati Pravobranilaštvu Bosne i Hercegovine (u daljnjem tekstu: Pravobranilaštvo) radi postizanja sporazuma o visini novčane naknade.

Član 22.

(Zahtjev radi postizanja sporazuma)

- (1) Stranka podnosi Pravobranilaštvu zahtjev radi postizanja sporazuma o visini novčane naknade u roku od tri mjeseca od dana kada je stekla pravo iz člana 21. stav (1) ovog zakona.
 (2) Zahtjev Pravobranilaštvu mora da sadrži podatke iz člana 9. stav (2) ovog zakona.
 (3) Uz zahtjev se dostavlja rješenje o usvajanju zahtjeva za zaštitu prava na suđenje u razumnom roku ili o usvajanju žalbe.
 (4) Ako je postignut sporazum po zahtjevu, Pravobranilaštvo zaključuje sa strankom vansudsku nagodbu koja predstavlja izvršnu ispravu.
 (5) Ako sporazum po zahtjevu ne bude zaključen u roku od dva mjeseca od dana podnošenja zahtjeva, stranka ima pravo podnijeti tužbu Sudu.
 (6) Pravobranilaštvo je dužno da se u postupku zaključenja vansudske nagodbe kreće u visini novčanog iznosa iz člana 20. ovog zakona.

Član 23.

(Tužba)

- (1) Stranka može protiv Bosne i Hercegovine podnijeti tužbu Sudu u periodu od šest mjeseci od neuspjele vansudske nagodbe pred Pravobranilaštvom.
 (2) Tužba nije dozvoljena dok traje postupak postizanja nagodbe s Pravobranilaštvom niti ako su stranka i Pravobranilaštvo zaključili vansudsku nagodbu.
 (3) Uz tužbu se dostavlja rješenje o usvajanju zahtjeva za zaštitu prava na suđenje u razumnom roku ili o usvajanju žalbe i dokaz o neuspjeloj nagodbi pred Pravobranilaštvom.
 (4) Na pitanja koja nisu uređena ovim zakonom primjenjuju se odredbe Zakona o parničnom postupku pred Sudom Bosne i Hercegovine za postupke u sporovima male vrijednosti.

Član 24.

(Postupak po tužbi)

- (1) Po tužbi postupa sudija pojedinac Upravnog odjeljenja Suda.
 (2) Postupajući sudija, odnosno predsjednik vijeća kod koga se nalazi predmet, dužan je u roku od tri dana, na zahtjev postupajućeg sudije Upravnog odjeljenja, dostaviti spise predmeta, osim onih čije bi otkrivanje moglo imati štetne posljedice za uspješno vođenje postupka.
 (3) Sud tužbu dostavlja Pravobranilaštvu koje je dužno u roku od osam dana od dana prijema dostaviti svoje izjašnjenje.
 (4) Neblagovremenu tužbu i tužbu koju je podnijelo neovlašteno lice, kao i tužbu koja je podnesena suprotno odredbi člana 23. ovog zakona Sud će rješenjem odbaciti.

Član 25.

(Utvrđivanje visine novčane naknade)

- (1) Sud će, primjenjujući kriterije za ocjenu trajanja suđenja u razumnom roku, odrediti visinu novčane naknade.
- (2) Ako predmet nije završen, Sud će odrediti i rok u kome su sudija ili vijeće dužni predmet završiti.

Član 26.

(Rok za odlučivanje)

Sud donosi odluku o tužbi najkasnije u roku od 90 dana od dana prijema tužbe.

DIO ČETVRTI - OSTALE ODREDBE

Član 27.

(Oslobađanje od sudske takse)

U postupku ostvarivanja sudske zaštite prava na suđenje u razumnom roku stranka je oslobođena plaćanja sudske takse.

Član 28.

(Pravo stranke na besplatnu pravnu pomoć)

- (1) U postupku ostvarivanja sudske zaštite prava na suđenje u razumnom roku stranka ima pravo na besplatnu pravnu pomoć koju će joj pružiti državni službenici Ureda za pružanje besplatne pravne pomoći Bosne i Hercegovine u Ministarstvu pravde Bosne i Hercegovine.
- (2) Pravo iz stava (1) ovog člana stranka ostvaruje na osnovu Zakona o pružanju besplatne pravne pomoći ("Službeni glasnik BiH", broj 83/16).

Član 29.

(Osiguravanje sredstava)

Novčana naknada nematerijalne štete isplaćuje se iz Budžeta institucija Bosne i Hercegovine i međunarodnih obaveza Bosne i Hercegovine.

Član 30.

(Naknada materijalne štete)

Pravo na naknadu materijalne štete zbog povrede prava na suđenje u razumnom roku ostvaruje se tužbom u parničnom postupku kod nadležnog suda, primjenom općih pravila o naknadi štete.

DIO PETI - PRIJELAZNE I ZAVRŠNE ODREDBE

Član 31.

(Primjena zakona)

- (1) Odredbe ovog zakona primjenjuju se na sve postupke koji nisu pravosnažno okončani do dana stupanja na snagu ovog zakona.
- (2) Stranka koja je podnijela apelaciju Ustavnom sudu Bosne i Hercegovine ne može podnijeti zahtjev za zaštitu prava na suđenje u razumnom roku po ovom zakonu.

Član 32.

(Stupanje na snagu)

Ovaj zakon stupa na snagu osmog dana od dana objavljivanja u "Službenom glasniku BiH".

Broj 01,02-02-1-764/21

15. juna 2022. godine

Sarajevo

Predsjedavajući

Predstavničkog doma

Parlamentarne skupštine BiH

Nebojša Radmanović, s. r.

Predsjedavajući

Doma naroda

Parlamentarne skupštine BiH

Dr. Dragan Čović, s. r.

ZAKON**O ZAŠTITI PRAVA NA SUĐENJE U RAZUMNOM ROKU
PRED SUDOM BOSNE I HERCEGOVINE****DIO PRVI – OPĆE ODREDBE**

Članak 1.

(Predmet zakona)

Ovim zakonom propisuju se način, uvjeti i postupak zaštite prava na suđenje u razumnom roku u sudskim postupcima koji se vode pred Sudom Bosne i Hercegovine (u daljnjem tekstu: Sud), kao i pravo na pravično zadovoljenje zbog povrede prava na suđenje u razumnom roku, koje se ostvaruje u sudskom postupku na način i pod uvjetima propisanim ovim zakonom.

Članak 2.

(Pravo na zaštitu)

- (1) Zaštitu prava na suđenje u razumnom roku pred Sudom imaju stranka i umješac u parničnom i ovršnom postupku, stranka i zainteresirana osoba u upravnom sporu, optuženik, oštećenik i osoba od koje je oduzeta imovinska korist u kaznenom postupku, te svaka druga stranka u sudskom postupku koji se vodi po zakonu Bosne i Hercegovine, koja smatra da Sud nije u razumnom roku odlučio o njezinom pravu ili o obvezi ili o optužbi za kazneno djelo.
- (2) Trajanje razumnog roka utvrđuje se u skladu s praksom Europskog suda za ljudska prava u Strasbourgu.
- (3) Stranka ostvaruje zaštitu prava iz stavka (1) ovog članka u skladu s odredbama ovog zakona.

Članak 3.

(Primjena drugih propisa)

Na ostala pitanja postupka povodom tužbe za pravično zadovoljenje zbog povrede prava na suđenje u razumnom roku, a koja nisu uređena ovim zakonom, primjenjuju se odredbe Zakona o parničnom postupku pred Sudom Bosne i Hercegovine ("Službeni glasnik BiH", br. 36/04, 84/07, 58/13 i 94/16) o sporu male vrijednosti, neovisno o vrsti i visini tužbenog zahtjeva.

Članak 4.

(Rodna ravnopravnost)

Izrazi koji su u ovom zakonu radi preglednosti dani u jednom gramatičkom rodu se bez diskriminacije odnose i na muškarce i na žene.

**DIO DRUGI – NAČELA, PRAVNA SREDSTVA I
ZAHTJEV ZA ZAŠTITU PRAVA NA SUĐENJE U
RAZUMNOM ROKU**

Članak 5.

(Načela)

- (1) Zaštita prava na suđenje u razumnom roku temelji se na:
 - a) ubrzanju postupka u kojem postoji rizik od prekomjernog trajanja;
 - b) djelotvornom pravnom lijeku pred nadležnim domaćim tijelima u slučajevima u kojima je moguće dokazati tvrdnje o povredi prava na suđenje u razumnom roku;
 - c) dostupnosti pravnih lijekova u svim fazama postupka u kojima se utvrđuju građanska prava i obveze ili osnovanost bilo kakve kaznene optužbe;
 - d) utvrđivanju povrede prava na suđenje u razumnom roku i obeštećenju oštećenika zbog povrede prava.
- (2) Postupci u kojima se štiti pravo na suđenje u razumnom roku su hitni i imaju prednost u odlučivanju.

Članak 6.

(Pravna sredstva)

Pravna sredstva za zaštitu prava na suđenje u razumnom roku su:

Na temelju članka IV. (4) a) Ustava Bosne i Hercegovine, Parlamentarna skupština Bosne i Hercegovine, na 29. sjednici Zastupničkog doma, održanoj 7. lipnja 2022. godine, i na 23. sjednici Doma naroda, održanoj 15. lipnja 2022. godine, usvojila je

- a) zahtjev za zaštitu prava na suđenje u razumnom roku (u daljnjem tekstu: zahtjev),
- b) tužba za pravično zadovoljenje zbog povrede prava na suđenje u razumnom roku (u daljnjem tekstu: tužba).

Članak 7.

(Kriteriji za ocjenu trajanja suđenja u razumnom roku)

Prilikom odlučivanja o zahtjevu za zaštitu prava na suđenje u razumnom roku, uvažavaju se sve okolnosti predmeta, i to:

- a) složenost predmeta u činjeničnom i pravnom smislu;
- b) ponašanje Suda i drugih tijela;
- c) trajanje postupka;
- d) ponašanje podnositelja pravnog sredstva;
- e) značaj koji predmet ima za podnositelja pravnog sredstva;
- f) nepredviđene izvanredne okolnosti.

Članak 8.

(Registar)

- (1) Sud vodi:
 - a) Registar podnesenih zahtjeva za zaštitu prava na suđenje u razumnom roku i Registar odluka o podnesenim zahtjevima za zaštitu tog prava,
 - b) Registar podnesenih tužbi i Registar odluka o podnesenim tužbama.
- (2) Sadržaj i način vođenja registara iz stavka (1) ovog članka pobliže će se urediti pravilnikom koji u roku od 60 dana od dana stupanja na snagu ovog zakona donosi predsjednik Suda.
- (3) Predsjednik Suda dostavlja godišnje izvješće s podacima iz registra Visokom sudbenom i tužiteljskom vijeću Bosne i Hercegovine.

Članak 9.

(Zahtjev i sadržaj zahtjeva)

- (1) Postupak u kojem se štiti pravo na suđenje u razumnom roku počinje podnošenjem zahtjeva.
- (2) Zahtjev treba sadržavati:
 - a) osobno ili poslovno ime stranke i njezino prebivalište, boravište ili sjedište;
 - b) osobno ili poslovno ime zastupnika ili punomoćnika stranke i njegovo prebivalište, boravište ili sjedište;
 - c) poslovni broj sudskog predmeta ili druge podatke o predmetu na temelju kojih se može utvrditi na koji se predmet zahtjev odnosi;
 - d) vrijeme trajanja postupka;
 - e) podatke o predmetu suđenja koji ukazuju na to da Sud nepotrebno kasni s odlučivanjem;
 - f) vlastoručni potpis stranke ili zastupnika ili punomoćnika stranke.

Članak 10.

(Nadležnost za odlučivanje)

- (1) Zahtjev za zaštitu prava na suđenje u razumnom roku podnosi se Sudu.
- (2) Zahtjev se može podnijeti dok se postupak iz članka 1. ovog zakona ne okonča.
- (3) O zahtjevu iz stavka (1) ovog članka rješenjem odlučuje predsjednik Suda, a ako se radi o predmetu u kojem postupka predsjednik Suda, o zahtjevu odlučuje sudac koji rukovodi Upravnim odjeljenjem Suda.
- (4) Predsjednik Suda može odrediti suca koji će uz njega voditi postupak i odlučivati o zahtjevu.
- (5) Usmena rasprava se ne održava.
- (6) Rješenje o zahtjevu ne smije utjecati na činjenična i pravna pitanja koja su predmetom suđenja.
- (7) Rješenje kojim se usvaja ili odbija zahtjev mora biti obrazloženo.

- (8) Rješenje o zahtjevu mora se donijeti u roku od 60 dana od dana zaprimanja zahtjeva.

Članak 11.

(Odlučivanje o zahtjevu bez ispitnog postupka)

- (1) Zahtjev se odbacuje bez ispitnog postupka ako odsutnost nekog elementa zahtjeva iz članka 9. ovog zakona onemogućava postupanje po njemu ili ako je zahtjev podnijela neovlaštena osoba.
- (2) Protiv rješenja o odbacivanju zahtjeva nije dozvoljena žalba.

Članak 12.

(Ispitni postupak)

- (1) Predsjednik Suda će, u roku od 15 dana od dana zaprimanja zahtjeva, zatražiti od suca ili predsjednika vijeća koji postupka u predmetu izvješće o trajanju postupka, razlozima zbog kojih postupak nije okončan i mišljenje o roku u kojem se predmet može riješiti, a može izvršiti i uvid u spis predmeta.
- (2) Sudac, odnosno predsjednik vijeća koji postupka u predmetu, dostavlja izvješće najkasnije u roku od osam dana od dana zaprimanja zahtjeva.
- (3) Sudac, odnosno predsjednik vijeća koji postupka u predmetu, neće navoditi u izvješću podatke čije bi otkrivanje moglo imati štetne posljedice za uspješno vođenje postupka.

Članak 13.

(Neosnovanost zahtjeva)

- (1) Predsjednik Suda rješenjem odbija zahtjev kada ocijeni da je zahtjev očigledno neosnovan.
- (2) Ako predsjednik Suda, nakon provođenja postupka povodom zahtjeva, utvrdi da nije došlo do neopravdanog odugovlačenja postupka i odlučivanja u predmetu, rješenjem odbija zahtjev kao neosnovan.

Članak 14.

(Osnovanost zahtjeva)

- (1) Ako predsjednik Suda utvrdi da je došlo do neopravdanog odugovlačenja postupka i odlučivanja o predmetu, donosi rješenje i određuje rok za poduzimanje određenih procesnih radnji koji ne može biti kraći od 15 dana niti dulji od četiri mjeseca i prikladan rok u kojem ga sudac ili predsjednik vijeća izvješćuje o poduzetim radnjama.
- (2) Rješenje iz stavka (1) ovog članka predsjednik Suda dostavlja stranci i postupajućem sucu.
- (3) Protiv rješenja iz stavka (2) ovog članka nije dozvoljena žalba.
- (4) Predsjednik Suda dostavlja rješenje iz stavka (2) ovog članka i Visokom sudbenom i tužiteljskom vijeću Bosne i Hercegovine.
- (5) U izvješću o poduzetim radnjama suca, odnosno predsjednika vijeća koji postupka u predmetu, neće se navoditi podaci čije bi otkrivanje moglo imati štetne posljedice za uspješno vođenje postupka.

Članak 15.

(Obavješćavanje podnositelja zahtjeva)

Kada sudac odnosno predsjednik vijeća u izvješću ili drugim pismenim aktom obavijesti predsjednika Suda o izvedenim procesnim radnjama, predsjednik Suda obavijestit će o izvedenim radnjama podnositelja zahtjeva.

Članak 16.

(Žalba)

- (1) Stranka ima pravo na žalbu:
 - a) ako predsjednik Suda utvrdi da je zahtjev neosnovan i odbije ga rješenjem,
 - b) ako predsjednik Suda ne odluči o njezinom zahtjevu u roku od 60 dana od dana zaprimanja zahtjeva,

- c) ako je predsjednik Suda usvojio zahtjev, ali nije naložio mjere kojima se ubrzava postupak i utvrdio rok u kojem je sudac ili predsjednik vijeća dužan poduzeti ih.
- (2) Rok za žalbu iz ovog članka je osam dana od dana primitka rješenja.

Članak 17.

(Nadležnost za odlučivanje o žalbi)

- (1) Žalba se podnosi predsjedniku Suda.
- (2) Predsjednik Suda, u roku od tri dana od dana zaprimanja, dostavlja žalbu s relevantnim podacima iz spisa predmeta Apelacijskom odjeljenju Suda.
- (3) Postupak povodom žalbe vodi i odlučuje vijeće koje čine tri suca odjela koji odlučuje o pravnim lijekovima na odluke odjeljenja u kojem se predmet nalazi u radu.
- (4) Ako se žalba odnosi na postupak koji je u tijeku pred Apelacijskim odjeljenjem, o žalbi odlučuje vijeće od pet sudaca tog odjeljenja.

Članak 18.

(Odlučivanje o žalbi)

- (1) Vijeće iz članka 17. st. (3) i (4) ovog zakona rješenjem odbacuje nedopuštenu, nepravovremenu i žalbu podnesenu od neovlaštene osobe, ako je nije odbacio predsjednik Suda.
- (2) Žalba se ne dostavlja na odgovor, usmena rasprava se ne održava, a na ostala pitanja primjenjuje se Zakon o parničnom postupku pred Sudom Bosne i Hercegovine.
- (3) Vijeće je dužno odlučiti o žalbi u roku od 30 dana od dana zaprimanja žalbe.
- (4) Vijeće može žalbu odbiti kao neosnovanu i potvrditi prvostupanijsko rješenje ili uvažiti žalbu i preinačiti rješenje.
- (5) U postupku povodom žalbe može se, ovisno o okolnosti, a posebno ako je postupak hitan, odrediti prednost u odlučivanju o predmetu, zatim naložiti predsjedniku Suda da dodijeli predmet drugom sucu, odnosno vijeću, ako je pravo stranke povrijeđeno zbog preopterećenosti ili duže odsutnosti postupajućeg suca ili nekog od članova vijeća.
- (6) Ako je žalba podnesena zato što predsjednik Suda nije odlučio o zahtjevu, u žalbenom postupku se postupa i donosi rješenje u skladu s odredbama čl. 11., 12., 13., 14. i 15. ovog zakona.
- (7) Protiv rješenja kojim je odlučeno o žalbi nije dozvoljena žalba.

Članak 19.

(Pravo na novi zahtjev)

- (1) Podnositelj zahtjeva čiji je zahtjev odbijen, a koji nije podnio žalbu, može podnijeti novi zahtjev kada istekne šest mjeseci od dana primitka rješenja o odbijanju zahtjeva.
- (2) Podnositelj zahtjeva čiji je zahtjev odbijen, a koji je podnio žalbu koja je odbijena, može podnijeti novi zahtjev kada istekne šest mjeseci od dana primitka rješenja o odbijanju žalbe.
- (3) Podnositelj zahtjeva čiji su zahtjev ili žalba odbačeni može odmah po saznanju podnijeti novi zahtjev.

DIO TREĆI - TUŽBA ZA PRAVIČNO ZADOVOLJENJE ZBOG POVREDE PRAVA NA SUĐENJE U RAZUMNOM ROKU

Članak 20.

(Novčana naknada)

- (1) Zbog nematerijalne štete prouzrokovane povredom prava na suđenje u razumnom roku, stranci se isplaćuje novčana naknada.
- (2) Novčana naknada priznaje se u visini od 500 KM do 3.000 KM.

- (3) Pri određivanju visine naknade uzimaju se u obzir kriteriji iz članka 7. ovog zakona.

Članak 21.

(Stjecanje prava za ostvarivanje naknade)

- (1) Ako Sud ne riješi predmet u roku predviđenom u rješenju o usvajanju zahtjeva ili o usvajanju žalbe, stranka ima pravo podnijeti Sudu tužbu za pravično zadovoljenje zbog povrede prava na suđenje u razumnom roku.
- (2) Prije podnošenja tužbe, stranka je dužna obratiti se zahtjevom Pravobraniteljstvu Bosne i Hercegovine (u daljnjem tekstu: Pravobraniteljstvo) radi postizanja sporazuma o visini novčane naknade.

Članak 22.

(Zahtjev za postizanje sporazuma)

- (1) Stranka podnosi Pravobraniteljstvu zahtjev za postizanje sporazuma o visini novčane naknade u roku od tri mjeseca od dana kada je stekla pravo iz članka 21. stavka (1) ovog zakona.
- (2) Zahtjev Pravobraniteljstvu mora sadržavati podatke iz članka 9. stavka (2) ovog zakona.
- (3) Uz zahtjev se dostavlja rješenje o usvajanju zahtjeva za zaštitu prava na suđenje u razumnom roku ili o usvajanju žalbe.
- (4) Ako je postignut sporazum povodom zahtjeva, Pravobraniteljstvo zaključuje sa strankom izvansudsku nagodbu koja predstavlja ovršnu ispravu.
- (5) Ako sporazum povodom zahtjeva ne bude zaključen u roku od dva mjeseca od dana podnošenja zahtjeva, stranka ima pravo podnijeti tužbu Sudu.
- (6) Pravobraniteljstvo je dužno u postupku zaključenja izvansudske nagodbe kretati se u visini novčanog iznosa iz članka 20. ovog zakona.

Članak 23.

(Tužba)

- (1) Stranka može podnijeti tužbu Sudu protiv Bosne i Hercegovine u razdoblju od šest mjeseci od neuspjele izvansudske nagodbe pred Pravobraniteljstvom.
- (2) Tužba nije dozvoljena dok traje postupak postizanja nagodbe s Pravobraniteljstvom niti ako su stranka i Pravobraniteljstvo zaključili izvansudsku nagodbu.
- (3) Uz tužbu se dostavlja rješenje o usvajanju zahtjeva za zaštitu prava na suđenje u razumnom roku ili o usvajanju žalbe i dokaz o neuspjeloj nagodbi pred Pravobraniteljstvom.
- (4) Na pitanja koja nisu uređena ovim zakonom primjenjuju se odredbe Zakona o parničnom postupku pred Sudom Bosne i Hercegovine za postupke u sporovima male vrijednosti.

Članak 24.

(Postupak po tužbi)

- (1) Povodom tužbe postupa sudac pojedinac Upravnog odjeljenja Suda.
- (2) Postupajući sudac, odnosno predsjednik vijeća u kojem se nalazi predmet, dužan je u roku od tri dana, na zahtjev postupajućeg suca Upravnog odjeljenja, dostaviti spise predmeta, osim onih čije bi otkrivanje moglo imati štetne posljedice za uspješno vođenje postupka.
- (3) Sud dostavlja tužbu Pravobraniteljstvu, koje je dužno u roku od osam dana od dana zaprimanja dostaviti svoje izjašnjenje.
- (4) Nepravovremenu tužbu i tužbu podnesenu od neovlaštene osobe, kao i tužbu koja je podnesena suprotno odredbi članka 23. ovog zakona, Sud će rješenjem odbaciti.

Članak 25.

(Utvrđivanje visine novčane naknade)

- (1) Sud će, primjenjujući kriterije za ocjenu trajanja suđenja u razumnom roku, odrediti visinu novčane naknade.

- (2) Ako predmet nije završen, Sud će odrediti i rok u kojem je sudac ili vijeće dužan završiti predmet.

Članak 26.

(Rok za odlučivanje)

Sud donosi odluku o tužbi najkasnije u roku od 90 dana od dana zaprimanja tužbe.

DIO ČETVRTI – OSTALE ODREDBE

Članak 27.

(Oslobađanje od sudske pristojbe)

U postupku ostvarivanja sudske zaštite prava na suđenje u razumnom roku stranka je oslobođena plaćanja sudske pristojbe.

Članak 28.

(Pravo stranke na besplatnu pravnu pomoć)

- (1) U postupku ostvarivanja sudske zaštite prava na suđenje u razumnom roku stranka ima pravo na besplatnu pravnu pomoć koju će joj pružiti državni službenici Ureda za pružanje besplatne pravne pomoći Bosne i Hercegovine u Ministarstvu pravde Bosne i Hercegovine.
- (2) Pravo iz stavka (1) ovog članka stranka ostvaruje na temelju Zakona o pružanju besplatne pravne pomoći ("Službeni glasnik BiH", broj 83/16).

Članak 29.

(Osiguravanje sredstava)

Novčana naknada za nematerijalnu štetu isplaćuje se iz proračuna institucija Bosne i Hercegovine i međunarodnih obveza Bosne i Hercegovine.

Članak 30.

(Naknada materijalne štete)

Pravo na naknadu materijalne štete zbog povrede prava na suđenje u razumnom roku ostvaruje se tužbom u parničnom postupku kod nadležnog suda primjenom općih pravila o naknadi štete.

DIO PETI - PRIJELAZNE I ZAVRŠNE ODREDBE

Članak 31.

(Primjena zakona)

- (1) Odredbe ovog zakona primjenjuju se na sve postupke koji nisu pravomoćno okončani do dana stupanja na snagu ovog zakona.
- (2) Stranka koja je podnijela priziv Ustavnom sudu Bosne i Hercegovine ne može podnijeti zahtjev za zaštitu prava na suđenje u razumnom roku prema ovom zakonu.

Članak 32.

(Stupanje na snagu)

Ovaj zakon stupa na snagu osmoga dana od dana objave u "Službenom glasniku BiH".

Broj 01,02-02-1-764/21

15. lipnja 2022. godine

Sarajevo

Predsjedatelj

Zastupničkog doma

Parlamentarne skupštine BiH

Nebojša Radmanović, v. r.

Predsjedatelj

Doma naroda

Parlamentarne skupštine BiH

Dr. Dragan Čović, v. r.

Na osnovu člana IV (4) a) Ustava Bosne i Hercegovine, Parlamentarna skupština Bosne i Hercegovine, na 29. sjednici Predstavničkog doma, održanoj 7. juna 2022. godine i na 23. sjednici Doma naroda, održanoj 15. juna 2022. godine, usvojila je

ZAKON

O ZAŠTITI PRAVA NA SUĐEŃE U RAZUMNOM ROKU PRED SUDOM BOSNE I HERCEGOVINE

ДИО ПРВИ – ОПШТЕ ОДРЕДБЕ

Члан 1.

(Предмет закона)

Овим законом прописују се: начин, услови и поступак заштите права на суђење у разумном року у судским поступцима који се воде пред Судом Босне и Херцеговине (у даљем тексту: Суд), као и право на правично задовољење због повреде права на суђење у разумном року, које се остварује у судском поступку на начин и под условима прописаним овим законом.

Члан 2.

(Право на заштиту)

- (1) Заштиту права на суђење у разумном року пред Судом имају странка и умјешач у парничном и извршном поступку, странка и заинтересовано лице у управном спору, оптужени, оштећени и лице од кога је одузета имовинска корист у кривичном поступку, те свака друга странка у судском поступку који се води по закону Босне и Херцеговине, која сматра да Суд није у разумном року одлучио о њеном праву или о обавези или о оптужби за кривично дјело.
- (2) Дужина трајања разумног рока утврђује се у складу са праксом Европског суда за људска права у Стразбуру.
- (3) Странка остварује заштиту права из става (1) овог члана у складу с одредбама овог закона.

Члан 3.

(Примјена других прописа)

На остала питања поступка по тужби за правично задовољење због повреде права на суђење у разумном року, а која нису уређена овим законом, примјењују се одредбе Закона о парничном поступку пред Судом Босне и Херцеговине ("Службени гласник БиХ", бр. 36/04, 84/07, 58/13 и 94/16) о спору мале вриједности, независно од врсте и висине тужбеног захтјева.

Члан 4.

(Родна равноправност)

Изрази који су у овом закону ради прегледности дати у једном граматичком роду, без дискриминације се односе и на мушкарце и на жене.

ДИО ДРУГИ – ПРИНЦИПИ, ПРАВНА СРЕДСТВА И ЗАХТЈЕВ ЗА ЗАШТИТУ ПРАВА НА СУЂЕЊЕ У РАЗУМНОМ РОКУ

Члан 5.

(Принципи)

- (1) Заштита права на суђење у разумном року заснива се на:
- а) убрзању поступка код којег постоји ризик од прекомјерног трајања,
- б) дјелотворном правном лијеку пред надлежним домаћим органима у случајевима у којима је могуће доказати тврдње о повреди права на суђење у разумном року,
- ц) доступности правних лијекова у свим фазама поступка у којима се утврђују грађанска права и обавезе или основаност било какве кривичне оптужбе,
- д) утврђивању кршења права на суђење у разумном року и обештећењу оштећеног због повреде права.
- (2) Поступци у којима се штити право на суђење у разумном року су хитни и имају првенство у одлучивању.

Члан 6.
(Правна средства)

Правна средства за заштиту права на суђење у разумном року су:

- а) захтјев за заштиту права на суђење у разумном року (у даљем тексту: захтјев),
- б) тужба за правично задовољење због повреде права на суђење у разумном року (у даљем тексту: тужба).

Члан 7.

(Критеријуми за оцјену трајања суђења у разумном року)

Приликом одлучивања о захтјеву за заштиту права на суђење у разумном року уважавају се све околности предмета, и то:

- а) сложеност предмета у чињеничном и правном смислу,
- б) понашање Суда и других органа,
- ц) дужина трајања поступка,
- д) понашање подносиоца правног средства,
- е) значај предмета који има за подносиоца правног средства,
- ф) неподвижене ванредне околности.

Члан 8.
(Регистар)

- (1) Суд води:
 - а) Регистар поднесених захтјева за заштиту права на суђење у разумном року и Регистар одлука о поднесеним захтјевима за заштиту тог права,
 - б) Регистар поднесених тужби и Регистар одлука о поднесеним тужбама.
- (2) Садржај и начин вођења регистара из става (1) овог члана детаљније ће се уредити правилником који у року од 60 дана од дана ступања на снагу овог закона доноси предсједник Суда.
- (3) Годишњи извјештај са подацима из регистра, предсједник Суда доставља Високом судском и тужилачком савјету Босне и Херцеговине.

Члан 9.
(Захтјев и садржај захтјева)

- (1) Поступак у коме се штити право на суђење у разумном року почиње подношењем захтјева.
- (2) Захтјев треба да садржи:
 - а) лично или пословно име странке и њено пребивалиште, боравиште или сједиште,
 - б) лично или пословно име заступника или пуномоћника странке и његово пребивалиште, боравиште или сједиште,
 - ц) пословни број судског предмета или друге податке о предмету на основу којих се може утврдити на који предмет се захтјев односи,
 - д) вријеме трајања поступка,
 - е) податке о предмету суђења који указују на то да Суд непотребно касни с одлучивањем,
 - ф) својеручни потпис странке или заступника или пуномоћника странке.

Члан 10.
(Надлежност за одлучивање)

- (1) Захтјев за заштиту права на суђење у разумном року подноси се Суду.
- (2) Захтјев се може поднијети док се поступак из члана 1. овог закона не оконча.
- (3) О захтјеву из става (1) овог члана рјешењем одлучује предсједник Суда, а ако се ради о предмету у којем поступа предсједник Суда, о захтјеву одлучује судија који руководи Управним одјељењем Суда.

- (4) Предсједник Суда може одредити судију који ће поред њега водити поступак и одлучивати о захтјеву.
- (5) Усмена расправа се не одржава.
- (6) Рјешење о захтјеву не смије да утиче на чињенична и правна питања која су предмет суђења.
- (7) Рјешење којим се усваја или одбија захтјев мора бити образложено.
- (8) Рјешење о захтјеву мора се донијети у року од 60 дана од дана пријема захтјева.

Члан 11.

(Одлучивање о захтјеву без испитног поступка)

- (1) Захтјев се одбацује без испитног поступка ако одсуство неког елемента захтјева из члана 9. овог закона онемогућава да се по њему поступа или ако је захтјев поднијело неовлашћено лице.
- (2) Против рјешења о одбацивању захтјева није дозвољена жалба.

Члан 12.

(Испитни поступак)

- (1) Предсједник Суда, у року од 15 дана од дана пријема захтјева, затражиће од судије или предсједника вијећа који поступа у предмету извјештај о дужини трајања поступка, разлозима због којих поступак није окончан и мишљење о року у којем се предмет може ријешити, а може остварити и увид у спис предмета.
- (2) Судија односно предсједник вијећа који поступа у предмету извјештај доставља најкасније у року од осам дана од дана пријема захтјева.
- (3) Судија односно предсједник вијећа који поступа у предмету у извјештају неће наводити податке чије би откривање могло имати штетне посљедице за успјешно вођење поступка.

Члан 13.

(Неоснованост захтјева)

- (1) Предсједник Суда рјешењем одбија захтјев када оцјени да је захтјев очигледно неоснован.
- (2) Ако предсједник Суда након спроведеног поступка по захтјеву утврди да није дошло до неоправданог одуговлачења поступка и одлучивања у предмету, рјешењем одбија захтјев као неоснован.

Члан 14.

(Основаост захтјева)

- (1) Ако предсједник Суда утврди да се неоправдано одуговлачи поступак и одлучивање о предмету, доноси рјешење и одређује рок за предузимање одређених процесних радњи, који не може бити краћи од 15 дана нити дужи од четири мјесеца, и примјерен рок у коме га судија или предсједник вијећа извјештава о предузетим радњама.
- (2) Предсједник Суда доставља странци и поступајућем судији рјешење из става (1) овог члана.
- (3) Против рјешења из става (2) овог члана жалба није дозвољена.
- (4) Предсједник Суда доставља рјешење из става (2) овог члана и Високом судском и тужилачком савјету Босне и Херцеговине.
- (5) У извјештају о предузетим радњама судије односно предсједника вијећа који поступа у предмету неће се наводити подаци чије би откривање могло имати штетне посљедице за успјешно вођење поступка.

Члан 15.

(Обавјештавање подносиоца захтјева)

Када судија односно предсједник вијећа у извјештају или другим писменим актом обавијести предсједника Суда о

извршеним процесним радњама, председник Суда ће о извршеним радњама обавијестити подносиоца захтјева.

Члан 16.
(Жалба)

- (1) Странка има право на жалбу:
 - а) ако председник Суда утврди да је захтјев неоснован и одбије га рјешењем,
 - б) ако председник Суда о њеном захтјеву не одлучи у року од 60 дана од дана пријема захтјева,
 - ц) ако је председник Суда усвојио захтјев, али није наложио мјере које убрзавају поступак и утврдио рок у којем је судија или председник вијећа дужан да их предузме.
- (2) Рок за жалбу из овог члана је осам дана од дана пријема рјешења.

Члан 17.

(Надлежност за одлучивање о жалби)

- (1) Жалба се подноси председнику Суда.
- (2) Председник Суда жалбу са релевантним подацима из списка предмета у року од три дана од дана пријема доставља Апелационом одјељењу Суда.
- (3) Поступак по жалби води и одлучује вијеће састављено од троје судија одјела који одлучује по правним лијековима на одлуке одјељења код којег се предмет налази у раду.
- (4) Ако се жалба односи на поступак који је у току пред Апелационим одјељењем, о жалби одлучује вијеће од пет судија тог одјељења.

Члан 18.

(Одлучивање о жалби)

- (1) Вијеће из члана 17. ст. (3) и (4) овог закона рјешењем одбацује недопуштену, неблаговремену жалбу и жалбу изјављену од неовлашћеног лица, ако је није одбацио председник Суда.
- (2) Жалба се не доставља на одговор, усмена расправа се не одржава, а на остала питања примјењује се Закон о парничном поступку пред Судом Босне и Херцеговине.
- (3) Вијеће је дужно да одлучи о жалби у року од 30 дана од дана пријема жалбе.
- (4) Вијеће може жалбу одбити као неосновану и потврдити првостепено рјешење или уважити жалбу и преиначити рјешење.
- (5) У поступку по жалби може се, у зависности од околности, а посебно ако је поступак хитан, одредити првенство у одлучивању по предмету, затим наложити председнику Суда да додијели предмет другом судији, односно вијећу, ако је право странке повријеђено због преоптерећености или дужег одсуства поступајућег судије или неког од чланова вијећа.
- (6) Ако је жалба поднесена зато што председник Суда није одлучио о захтјеву, у жалбеном поступку се поступа и доноси рјешење у складу с одредбама чл. 11, 12, 13, 14. и 15. овог закона.
- (7) Против рјешења којим је одлучено о жалби није дозвољена жалба.

Члан 19.

(Право на нови захтјев)

- (1) Подносилац захтјева чији је захтјев одбијен, а који није поднио жалбу, може да поднесе нови захтјев када истекне шест мјесеци од дана пријема рјешења о одбијању захтјева.

- (2) Подносилац захтјева чији је захтјев одбијен, а који је поднио жалбу која је одбијена, може да поднесе нови захтјев када истекне шест мјесеци од дана пријема рјешења о одбијању жалбе.

- (3) Подносилац захтјева чији су захтјев или жалба одбачени може одмах по сазнању поднијети нови захтјев.

ДИО ТРЕЋИ - ТУЖБА НА ПРАВИЧНО ЗАДОВОЉЕЊЕ ЗБОГ ПОВРЕДЕ ПРАВА НА СУЂЕЊЕ У РАЗУМНОМ РОКУ

Члан 20.

(Новчана накнада)

- (1) Због нематеријалне штете проузроковане кршењем права на суђење у разумном року, странци се исплаћује новчана накнада.
- (2) Новчана накнада признаје се у висини од 500 КМ до 3.000 КМ.
- (3) Приликом одређивања висине накнаде узимају се у обзир критеријуми из члана 7. овог закона.

Члан 21.

(СТИЦАЊЕ ПРАВА ЗА ОСТВАРИВАЊЕ НАКНАДЕ)

- (1) Ако Суд не ријеши предмет у року предвиђеном у рјешењу о усвајању захтјева или о усвајању жалбе, странка има право да поднесе Суду тужбу за правично задовољење због повреде права на суђење у разумном року.
- (2) Прије подношења тужбе, странка је дужна да се захтјевом обрати Правобранилаштву Босне и Херцеговине (у даљем тексту: Правобранилаштво) ради постизања споразума о висини новчане накнаде.

Члан 22.

(Захтјев ради постизања споразума)

- (1) Странка подноси Правобранилаштву захтјев ради постизања споразума о висини новчане накнаде у року од три мјесеца од дана када је стекла право из члана 21. став (1) овог закона.
- (2) Захтјев Правобранилаштву мора да садржи податке из члана 9. став (2) овог закона.
- (3) Уз захтјев се доставља рјешење о усвајању захтјева за заштиту права на суђење у разумном року или о усвајању жалбе.
- (4) Ако је постигнут споразум по захтјеву, Правобранилаштво закључује са странком вансудску нагодбу која представља извршну исправу.
- (5) Ако споразум по захтјеву не буде закључен у року од два мјесеца од дана подношења захтјева, странка има право да поднесе тужбу Суду.
- (6) Правобранилаштво је дужно да се у поступку закључења вансудске нагодбе креће у висини новчаног износа из члана 20. овог закона.

Члан 23.

(Тужба)

- (1) Странка може против Босне и Херцеговине поднијети тужбу Суду у периоду од шест мјесеци од неуспјеле вансудске нагодбе пред Правобранилаштом.
- (2) Тужба није дозвољена док траје поступак постизања нагодбе са Правобранилаштом, нити ако су странка и Правобранилаштво закључили вансудску нагодбу.
- (3) Уз тужбу се доставља рјешење о усвајању захтјева за заштиту права на суђење у разумном року или о усвајању жалбе и доказ о неуспјелој нагодби пред Правобранилаштом.

- (4) На питања која нису уређена овим законом примјењују се одредбе Закона о парничном поступку пред Судом Босне и Херцеговине за поступке у споровима мале вриједности.

Члан 24.

(Поступак по тужби)

- (1) По тужби поступа судија појединац Управног одјељења Суда.
- (2) Поступајући судија, односно предсједник вијећа код кога се налази предмет дужан је да у року од три дана, на захтјев поступајућег судије Управног одјељења, достави списе предмета, осим оних чије би откривање могло имати штетне последице за успјешно вођење поступка.
- (3) Суд тужбу доставља Правобранилаштву које је дужно да у року од осам дана од дана пријема достави своје изјашњење.
- (4) Неблаговремену тужбу и тужбу поднесу од неовлашћеног лица, као и тужбу која је поднесена супротно одредби члана 23. овог закона, Суд ће рјешењем одбацити.

Члан 25.

(Утврђивање висине новчане накнаде)

- (1) Суд ће, примјењујући критеријуме за оцјену трајања суђења у разумном року, одредити висину новчане накнаде.
- (2) Ако предмет није завршен, Суд ће одредити и рок у којем је судија или вијеће дужан да заврши предмет.

Члан 26.

(Рок за одлучивање)

Суд доноси одлуку о тужби најкасније у року од 90 дана од дана пријема тужбе.

ДИО ЧЕТВРТИ – ОСТАЛЕ ОДРЕДБЕ

Члан 27.

(Ослобађање од судске таксе)

У поступку остваривања судске заштите права на суђење у разумном року странка је ослобођена плаћања судске таксе.

Члан 28.

(Право странке на бесплатну правну помоћ)

- (1) У поступку остваривања судске заштите права на суђење у разумном року, странка има право на бесплатну правну помоћ коју ће јој пружити државни службеници Канцеларије за пружање бесплатне правне помоћи Босне и Херцеговине у Министарству правде Босне и Херцеговине.
- (2) Право из става (1) овог члана странка остварује на основу Закона о пружању бесплатне правне помоћи ("Службени гласник БиХ", број 83/16).

Члан 29.

(Обезбјеђење средстава)

Новчана накнада нематеријалне штете исплаћује се из буџета институција Босне и Херцеговине и међународних обавеза Босне и Херцеговине.

Члан 30.

(Накнада материјалне штете)

Право на накнаду материјалне штете због повреде права на суђење у разумном року остварује се тужбом у парничном поступку код надлежног суда, примјеном општих правила о накнади штете.

ДИО ПЕТИ - ПРЕЛАЗНЕ И ЗАВРШНЕ ОДРЕДБЕ

Члан 31.

(Примјена закона)

- (1) Одредбе овог закона примјењују се на све поступке који нису правоснажно окончани до дана ступања на снагу овог закона.
- (2) Странка која је поднијела апелацију Уставном суду Босне и Херцеговине не може поднијети захтјев за заштиту права на суђење у разумном року по овом закону.

Члан 32.

(Ступање на снагу)

Овај закон ступа на снагу осмог дана од дана објављивања у "Службеном гласнику БиХ".

Број 01,02-02-1-764/21

15. јуна 2022. године

Сарајево

Председавајући

Представничког дома

Парламентарне скупштине

БиХ

Небојша Радмановић, с. р.

Председавајући

Дома народа

Парламентарне скупштине

БиХ

Др Драган Човић, с. р.

**ВИЈЕЋЕ MINISTARA
BOSNE I HERCEGOVINE**

422

На основу члана 17. Закона о Вијећу министара Босне и Херцеговине ("Службени гласник БиХ", бр. 30/03, 42/03, 81/06, 76/07, 81/07, 94/07 и 24/08), Вијеће министара Босне и Херцеговине на 49. сједници, одржаној 20.04.2022. године, донјело је

ODLUKU

**O USVAJANJU AKCIONOG PLANA BOSNE I
HERCEGOVINE ZA DRUŠTVENU INKLUZIJU ROMA I
ROMKINJA ZA PERIOD 2021–2025.**

Члан 1.

(Предмет Одлуке)

Овом одлуком усваја се Акциони план Босне и Херцеговине за друштвену инклузију Рома и Ромкиња за период 2021–2025. године (у даљњем тексту: Акциони план).

Члан 2.

(Примјена Акционог плана)

- (1) Акциони план утврђен овом одлуком представља плански и оперативни документ који је оквир djelovanja за све појединце и институције који су, у складу са својим надлежностима, непосредно укључени у његову примјену.
- (2) Примјену Акционог плана прати Министарство за људска права и избјеглице Босне и Херцеговине и Одбор за Rome при Вијећу министара Босне и Херцеговине.
- (3) Министарство за људска права и избјеглице Босне и Херцеговине има задатак да припрема редовне годишње извјештаје које разматра и усваја Вијеће министара Босне и Херцеговине, прати примјену, прикупља информације и сарађује с носiocима активности који проводе овај акциони план, те реализира све остале активности у вези с праћењем Акционог плана.